

In tema mjeseca: Čas kad sam počela ☑☑

Od malena sam maštala da budem učiteljica. Svoju želju sam ispunila, a onda je došao dan mog ulaska u učionicu.



Taj prvi dan kad sam ušla u učionicu vidjela sam zbunjene poglede upućene ka meni. Malene čupave glavice su pogled uputile ka vratima sa željom da se u učionici pojavi njihova učiteljica. Dobih djecu drugog razreda, dobih ali i ne osvojih odmah. Mjesecima sam se trudila da dobijem samo mali čoškić njihovog srca. Dan po dan je prolazio u neizvjesnosti, čekanju i nadi. Polahko se počeo iskradati po koji osmijeh, zagrljaj, a onda krenuše i čestitke, posvete...stvorila se ljubav. Tu ljubav smo gajili pune četiri godine. Kroz sve te godine preživjeli smo mnogo lijepih trenutaka, suza, jedinica, petica, rođendana, novih članova porodice. Odoše nam kroz te godine naši drugari iz razreda u druge škole. Zajedno smo tugovali ali smo sve skupa uspjeli prebroditi. Kroz sve te godine djeca su mi bila moj vjetar u leđa, moja najmirnija luka i najveća podrška kroz sve što sam prolazila. Njihovi pogledi i osmijesi kad uđem u učionicu su rastjerivali i najtamnije oblake koji bi se

nadvili iznad mene.

Naučili su me dosta toga. Naučili su me kako izgleda svijet pun ljubavi i sreće. Naša učionica je uvijek bila naša oaza ljubavi i duševnog mira.

Kroz sve ove godine prvenstveno sam ih učila da je u životu najvažnije biti pošten i dobar insan. Sa ponosom mogu reći da sam to uspjela.

Svaki početak je težak ali se isplati malo "napatiti" jer kasnije dolazi ljubav, poštovanje, uzajmno pomaganje, razumijevanje, prijateljstvo i mnogo toga lijepog.

Tags

coistepbystep

Collections

Inspiriraj druge

Čas kad sam počeo_la